

Նկարագրուին «յարժարոյ եւ յսկոյ» ան-  
խտիր (Ոսկ. Թղթ. Ա, 530): Ոսկեղենի սե-  
փականութիւնը սակայն չեմ կարծեր՝ թէ  
մեր մէջ Արշակունեաց շրջանէն յայսկոյս  
շատ երկար տեւած լինի: ԺԲ դարուն Ա-  
լաւկայ որդւոյն կողմանէ արդէն կը յիշուին  
անխտրութեամբ մը՝ փայտեղէն եւ խեցե-  
ղէն անօթոց հետ նաեւ «երկաթեղէնքն եւ  
պղնձեղէնք, արծաթեղէնք եւ ոսկեղէնք՝» իր-  
րեւ հասարակաց գործածականք (Գ). «ոս-  
կեղէնքն» ալ հարկաւ յատուկ հայ մեծա-  
տանց, բայց ոչ լոկ թագաւորաց: Արշա-  
կունեաց կարգերն յաւերժութեան սահ-  
մանուած չէին անշուշտ:

Գանք առանձնաբար նկատել իւրաքան-  
չիւր սպաս, որոնք ճաշի պատճառաւ կամ  
ճաշի ժամանակ կը բերուէին ի սեղան: Ա-  
սոնք կը բաժնուէին՝ մաս մը կերակրոց յա-  
տուկ, մաս մ'ալ ըմպելեաց:

Ա. — կերակրոց սպասներն էին:

Տարգալ: Ծանօթ է մեր քով հեթանոսա-  
կան շրջանէն, եւ կը յիշուի այս անուամբ  
Արգամայ ու Սմբատայ գործածած սպա-  
սուց մէջ. «տարգալ ունել ոսկի» (Խոր. 124):  
Ասոր կը հանդիպինք Ս. Սահակայ կանո-  
նաց մէջ ալ՝ «դրգալ» ձեւով՝ ի շարս վախ-  
ճանեալ տանուտեարց կահերուն (112):  
Չայս փոքր ի շատէ նման կ'ենթադրենք